

O'ZBEKISTON RESPUBLIKASI



**OLIY VA O'RTA MAXSUS TA'LIM
VAZIRINING BUYRUG'I**



**O'zbekiston Respublikasi Prezidentining
2022-yil 15-iyundagi PQ-279-son qarori
va F-60-son farmoyishi
ijrosini taminlash to'g'risida**

2022-yil 17 iyun

№ 210-son

Toshkent shaxri



**O'ZBEKISTON RESPUBLIKASI
OLIY VA O'RTA MAXSUS TA'LIM VAZIRINING
BUYRUG'I**

2022-yil 17- iyun 210-son

Toshkent sh.

**O'zbekiston Respublikasi Prezidentining
2022-yil 15-iyundagi PQ-279-son qarori va
F-60-son farmoyishi ijrosini ta'minlash
to'g'risida**

O'zbekiston Respublikasi Prezidentining 2022-yil 15-iyundagi "Davlat oliy ta'lismuassasalariga o'qishga qabul qilish jarayonlarini tashkil etish to'g'risida" PQ-279-son qarori va "2022/2023 o'quv yili uchun davlat oliy ta'lismuassasalariga o'qishga qabul qilishning davlat buyurtmasi parametrlari to'g'risida" F-60-son Farmoyishi ijrosini ta'minlash hamda respublika oliy ta'lismuassasalarida 2022/2023 o'quv yilida talabalar qabulini yuqori saviyada o'tkazish maqsadida

B U Y U R A M A N:

1. O'zbekiston Respublikasi Prezidentining 2022-yil 15-iyundagi "Davlat oliy ta'lismuassasalariga o'qishga qabul qilish jarayonlarini tashkil etish to'g'risida" PQ-279-son qarori hamda "2022/2023 o'quv yili uchun davlat oliy ta'lismuassasalariga o'qishga qabul qilishning davlat buyurtmasi parametrlari to'g'risida" F-60-son Farmoyishi rahbarlik va ijro uchun qabul qilinsin.

2. Oliy ta'lismuassasalarini faoliyatini muvofiqlashtirish bosh boshqarmasi (A.Xoliqov) **besh kun muddatda:**

2022/2023 o'quv yilida oliy ta'lismuassasalariga davlat buyurtmasi parametrlarining ta'lismillari bo'yicha taqsimotiga takliflarni;

2022/2023 o'quv yili uchun qabul parametrlari doirasida sog'liqni saqlash, xalq ta'limi, veterinariya, tibbiy-ijtimoiy xizmatlar sohalari uchun hududlar, tumanlar kesimida maqsadli qabul ko'rsatkichlariga takliflarni;

2022/2023 o'quv yili uchun imtiyozli qabul parametrlarining oliy ta'lismuassasalari, imtiyozlar toifasi kesimidagi taqsimoti bo'yicha takliflarni shakllantirish va tasdiqlash uchun Davlat komissiyasiga kirmsin.

3. Oliy ta'lismillari va normativ ta'minoti bosh boshqarmasi (S.Niyazbekov), Oliy ta'lismi rivojlantirish tadqiqotlari va ilg'or texnologiyalarni tafbiq etish markazi (Sh.Yaqubov) **bir oy muddatda:**

O‘zbekiston texnik jihatdan tartibga solish agentligi, Iqtisodiy taraqqiyot va kambag‘allikni qisqartirish vazirligi, Bandlik va mehnat munosabatlari vazirligi bilan birgalikda 2022/2023 o‘quv yilida yangi kiritilayotgan bakalavriat ta’lim yo‘nalishlari hamda magistratura mutaxassisliklari bo‘yicha Oliy ta’lim yo‘nalishlari va mutaxassisliklari klassifikatoriga belgilangan tartibda o‘zgartirish va qo‘shimchalar kiritilishini;

davlat oliy ta’lim muassasalari tomonidan yangi kiritilayotgan bakalavriat ta’lim yo‘nalishlari va magistratura mutaxassisliklarining malaka talablari, o‘quv rejalarini hamda fan dasturlarining ishlab chiqilishini va belgilangan tartibda tasdiqlanishini ta’minlasin.

4. Axborot kommunikatsiya texnologiyalari boshqarmasi (X.Sultonov) va Ta’lim muassasalarida elektron ta’limni joriy etish markazi (A.Abdullayev) mas’ul boshqarma va markazlar bilan birga, magistraturaga o‘qishga kirish, talabalar o‘qishini ko‘chirish, texnikumlarni muvaffaqiyatli tamomlagan bitiruvchilarni oliy ta’lim muassasalariga qabul qilish uchun arizalarni onlayn ro‘yxatdan o‘tkazish bo‘yicha elektron tizimlarni uzlusiz ishlashini ta’minlash choralarini ko‘rsin.

5. Oliy ta’lim muassasalari rektorlari va filiallar direktorlariga:

5.1. **ikki kun muddatda** 2022/2023 o‘quv yili uchun ajratilgan qabul parametrlarining tillar kesimidagi taqsimotini shakllantirish hamda Oliy va o‘rta maxsus ta’lim vazirligiga taqdim etish;

5.2. **ikki kun muddatda** qabul komissiyasi faoliyati, jumladan, “Call center” va maslahat markazlari faoliyati, qabul parametrlari, fanlar majmuasi kabi qabul jarayoniga oid bat afsil ma’lumotlarni oliy ta’lim muassasasi rasmiy veb-saytiga alohida “Qabul-2022” bo‘limini tashkil etgan holda joylashtirish;

5.3. **ikki kun muddatda** kasbiy (ijodiy) imtihonlar o‘tkaziladigan ta’lim yo‘nalishlariga kirish bo‘yicha kasbiy (ijodiy) imtihonlar fan dasturi va baholash mezonlarini mustaqil tasdiqlash va e’lon qilish (rasmiy veb-saytga joylashtirish);

5.4. **ikki hafta muddatda** kasbiy (ijodiy) imtihonlar o‘tkaziladigan hududlar, bino va auditoriyalarni belgilash, tayyor holatga keltirish, to‘liq videokuzatuv kameralari bilan ta’minlash hamda kasbiy (ijodiy) imtihonlarni o‘tkazish bo‘yicha komissiyalar raislari va a’zolarini tasdiqlash;

5.5. 2022/2023 o‘quv yili qabulini yuqori saviyada o‘tkazish bo‘yicha chora-tadbirlar rejasini **3 kunlik muddatda** ishlab chiqish va uning bajarilishini ta’minlash;

5.6. oliy ta’lim muassasalarining rektorlari (filial direktorlari) raisligida tashkil etiladigan qabul komissiyalari tarkibini tajribali, halol, pok, mas’uliyatli professor-o‘qituvchi va xodimlardan shakllantirish;

5.7. qabul komissiyalarining tasdiqlangan tarkibining har bir a’zosiga yuklatilgan vazifalarni talab darajasida bajarilishini ta’minlash;

5.8. abituriyentlar haqida ma’lumotlar tayyorlash, ijodiy imtihonlar natijalarini rasmiy lashtirish, jamlash va taqdim etishga mas’ul va ijrochi xodimlarga yo‘l qo‘yiladigan xatoliklar oqibati va javobgarlik to‘g‘risida bat afsil tushuntirish va yo‘riqnomalar berishni tashkil etish;

5.9. **ikki kun muddatda** abituriyentlar va ularning ota-onalarini qiziqtirgan savollarga tezkor javob berilishini ta'minlash uchun **Call center faoliyatini** tashkil etish;

Call centerda bir vaqtning o'zida **kamida beshtagacha** qo'ng'iroqlarga javob berish imkoniyatini yaratish choralarini ko'rish;

tashkil etiladigan **Call center** hamda **maslahat markazlariga** muomala madaniyatiga ega bo'lgan tajribali, mas'uliyatli xodimlarni biriktirish va ularni internet tarmog'iga ulangan kompyuter, ish telefon, tegishli normativ-huquqiy hujjatlar nusxalari va boshqa zaruriy materiallar hamda gigiyenik vositalar (sanitariya-zararsizlantiruvchi antiseptik gellar, xlor, sovun, niqob, qo'lqoplar, tozalash uchun antibakterial vositalar va h.k.) bilan ta'minlash;

5.10. Vazirlar Mahkamasining 2022-yil 12-yanvardagi 17-son qaroriga muvofiq texnikumlarni muvaffaqiyatli tamomlagan bitiruvchilarni oliy ta'lim muassasalarining bakalavriat ta'lim yo'naliishlariga suhbat asosida o'qishga qabul qilish jarayonlarini yuqori saviyada tashkil etish maqsadida:

oliy ta'lim muassasasi qabul komissiyasi mas'ul kotibining alohida o'rnbosari rahbarlik qiluvchi ishchi guruhibi tashkil etish;

tashkil etilgan ishchi guruhi a'zolarining asosiy vazifalari va mas'uliyatlarini aniq belgilash;

ro'yxatdan o'tgan arizalarni muntazam tahlil qilib borish va shunga muvofiq suhbat komissiyalarini tashkil etish va ularning belgilangan Nizom talablariga muvofiq faoliyat olib borishlarini ta'minlash;

suhbat jarayonlarini to'liq videokuzatuv asosida o'tkazilishini ta'minlash;

suhbat jarayonlari boshlangunga qadar Texnikumlarni muvaffaqiyatli tamomlagan bitiruvchilarni oliy ta'lim muassasalarining bakalavriat ta'lim yo'naliishlariga suhbat asosida o'qishga qabul qilish tartibi to'g'risidagi nizom ilovalariga muvofiq zarur bo'lgan hujjatlarni tayyorlash vazifalari yuklatilsin.

6. Ishlar boshqarmasi (M.Toshev) **bir kun muddatda** vazirlikning **Call center** hamda "**Qabul-2022**" shtabi faoliyatiga jalb etilgan xodimlarni kompyuter, telefon o'rnatilgan ish o'rnlari, shuningdek, antiseptik vositalar, kanselyariya mollari hamda zaruriy ish yuritish uskunalari bilan ta'minasin.

7. Abituriyentlar va ularning ota-onalarini 2022/2023 o'quv yili uchun respublika oliy hamda professional ta'lim muassasalari qabul jarayonlari bilan bog'liq savollariga javob berib borish maqsadida **ikki kun muddatda** vazirlik **Call center** faoliyati tashkil etilsin. **Call center** faoliyatiga jalb etiladigan xodimlar tarkibi 1-ilovaga muvofiq tasdiqlansin.

Call center **2022-yil 20-iyundan 30-avgustga** qadar har kuni (yakshanba kunidan tashqari) soat **09:00 dan 18:00 gacha** faoliyat olib borishi belgilansin.

8. Vazirlikning tegishli boshqarma, bo'lim va markazlari rahbarlari **Call centerga** jalb etiladigan xodimlarning belgilangan muddatlarda doimiy faoliyat olib borishlarini ta'minasin.

9. Oliy ta'limni rivojlantirish tadqiqotlari va ilg'or texnologiyalarni tatbiq etish markazi (Sh.Yakubov), Ma'naviyat va ma'rifat markazi (F.Farxonov) **Call centerga** jalb etilgan xodimlarni ish haqi, qo'shimcha to'lovlar, ustamalar, rag'batlantirish tarzidagi to'lovleri saqlanishi ta'mnlansin.

10. Oliy ta’lim muassasalari faoliyatini muvofiqlashtirish bosh boshqarmasi (A.Xoliquov) Ishlab chiqarish bilan integratsiya va moddiy-texnik bazani rivojlantirish bosh boshqarmasi (A.Meliboyev) **Call center**ning muntazam faoliyat olib borishini doimiy nazoratini amalga oshirsin.

11. Vazirlikda **joriy yilning 1-oktyabriga** qadar faoliyat yuritadigan **“Qabul-2022” shtabi** faoliyati tashkil etilsin va “Qabul-2022” shtabi tarkibi 2-ilovaga muvofiq tasdiqlansin.

12. Toshkent davlat texnika universiteti (S.Turobjonov), Farg‘ona politexnika instituti (O’.Salomov) vazirlikning “Qabul-2022” shtabiga jalb qilingan hodimlarning shtab faoliyatida doimiy ishtirokini ta’minlasin;

“Qabul-2022” shtabiga oliy ta’lim muassasalaridan jalb qilingan hodimlarning xizmat safari bilan bog‘liq harajatlari asosiy ish joyidan qoplanishi belgilab qo‘yilsin.

13. Buxgalteriya hisobi va hisoboti tahlili boshqarmasi (Q.Artiqov) **Call center** hamda **“Qabul-2022” shtabi** faoliyatiga jalb etilgan xodimlarning dam olish kunlarida olib borgan mehnat faoliyati uchun qonunchilikda belgilangan tartibda ish haqi hisoblanishini ta’minlasin.

14. Qoraqalpog‘iston Respublikasi, viloyatlar va Toshkent shahar Kasbiy ta’limni rivojlantirish va muvofiqlashtirish hududiy boshqarmalari boshliqlari 2022/2023 o‘quv yili uchun professional ta’lim muassasalari qabul jarayonlari bilan bog‘liq savollarga javob berib borish maqsadida **ikki kun muddatda Call center** tashkil etilishini ta’minlasin hamda **Call center** faoliyatiga malakali xodimlarni jalb etish choralarini ko‘rsin.

15. O‘zbekiston Respublikasi Prezidentining 2022-yil 15-iyundagi “Davlat oliy ta’lim muassasalariga o‘qishga qabul qilish jarayonlarini tashkil etish to‘g‘risida” PQ-279-son qarori va “2022/2023 o‘quv yili uchun davlat oliy ta’lim muassasalariga o‘qishga qabul qilishning davlat buyurtmasi parametrlari to‘g‘risida” F-60-son Farmoyishining ijrochilarga yetkazilishi hamda mohiyati va ahamiyatining aholi o‘rtasida tushuntirilishi yuzasidan “Yo‘l xaritasi” 3-ilovaga muvofiq tasdiqlansin.

16. Axborot xizmati (M.Ibodov) mazkur qaror va uning mazmun-mohiyatini fuqarolarga yetkazish maqsadida vazirlik va oliy ta’lim muassasalarining rasmiy veb-saytlariga tegishli ma’lumotlarni joylashtirilishi hamda doimiy yangilab borishini ta’minlasin.

17. Ushbu buyruq ijrosining nazoratini o‘z zimmamda qoldiraman.



Vazir

A.Toshkulov



Oliy va o'rta maxsus ta'lim vazirining
2022-yil "17" iyundagi 210-son
buyrug'iga 1-ilova

**O'zbekiston Respublikasi oliy va o'rta maxsus ta'lim vazirligida tashkil
etiladigan Call center faoliyatiga jalb etiladigan xodimlar tarkibi**

| № | F.I.Sh. | Lavozimi |
|----------|---|--|
| 1. | Mamatkarimov Sarvar Abdukayumovich | Oliy ta'lim muassasalarida o'quv jarayonini tashkil etish bo'limi bosh mutaxassisi |
| 2. | Davranov Orzu Abdujabbarovich | Talabalar amaliyoti va bitiruvchilar monitoringi bo'limi bosh mutaxassisi |
| 3. | Zaxidova Zulfiya Xalilullayevna | Oliy ta'limni rivojlantirish tadqiqotlari va ilg'or texnologiyalarni tatbiq etish markazi yetakchi mutaxassisi |
| 4. | Kasimov Mutallib | Oliy ta'limni rivojlantirish tadqiqotlari va ilg'or texnologiyalarni tatbiq etish markazi yetakchi mutaxassisi |
| 5. | Xo'jamova Intizor Muxammaddam inqizi | Ma'naviyat va ma'rifat markazi uslubchisi |
| 6. | Raxmatullayeva Gavhar Ilxomovna | Ma'naviyat va ma'rifat markazi ijtimoiy media-marketolog |

*Izoh: zarur hollarda Call center faoliyatiga jalb etiladigan xodimlar tarkibiga o'zgartirish
kiritilishi mumkin.*



Oliy va o'rta maxsus ta'lim vazirining
2021-yil "17" iyundagi 210-son
buyrug'iiga 2-ilova

**O'zbekiston Respublikasi Oliy va o'rta maxsus ta'lim vazirligida tashkil
etiladigan "Qabul-2022" shtabi tarkibi**

| Nº | F.I.Sh. | Lavozimi |
|-----|---------------|---|
| 1. | A.Xoliqov | Oliy ta'lim muassasalarini faoliyatini muvofiqlashtirish bosh boshqarmasi boshlig'i, shtab rahbari |
| 2. | I.Nematov | Oliy ta'lim muassasalarida o'quv jarayonini tashkil etish bo'limi boshlig'i |
| 3. | U.Xodiyev | Kadrlar tayyorlash yo'nalishlari va ta'lim xizmatlari bozorini tahlil qilish bo'limi boshlig'i |
| 4. | A.Mamanazarov | Talabalar amaliyoti va bitiruvchilar monitoringi bo'limi boshlig'i |
| 5. | D.Mo'ydinov | Xorijiy talabalar va ta'lim dasturlari bo'limi boshlig'i |
| 6. | A.Xo'jayev | Kadrlar tayyorlash yo'nalishlari va ta'lim xizmatlari bozorini tahlil qilish bo'limi bosh mutaxassisni |
| 7. | U.Davidov | Talabalar amaliyoti va bitiruvchilar monitoringi bo'limi bosh mutaxassisni |
| 8. | A.Salimov | Oliy ta'lim muassasalarida o'quv jarayonini tashkil etish bo'limi bosh mutaxassisni |
| 9. | S.Adizov | Xorijiy talabalar va ta'lim dasturlari bo'limi bosh mutaxassisni |
| 10. | A.Norqulov | Oliy ta'limni rivojlantirish tadqiqotlari va ilg'or texnologiyalarni tatbiq etish markazi yetakchi mutaxassisni |
| 11. | Sh.Kurbanov | Toshkent davlat texnika universiteti katta o'qituvchisi |
| 12. | U.Qaxxorov | Farg'ona politexnika instituti O'quv-uslubiy boshqarma boshlig'i o'rinosi |
| 13. | G'.Alimov | Toshkent davlat iqtisodiyot universiteti Talabalar ishslash bo'limi bosh mutaxassisni |



Oliy va o'rta maxsus ta'lim vazirining
2022-yil "12" iyundagi 210-son
buyrug'iiga 3-ilova

O'zbekiston Respublikasi Prezidentining "Davlat oliy ta'lim muassasalariga o'qishga qabul qilish jarayonlarini tashkil etish to'g'risida" 2022-yil 15-iyundagi PQ-279-sون qarori hamda "2022/2023 o'quv yili uchun davlat buyurtmasi parametrlari to'g'risida" F-60-son Farmoyishini ijrochilarga yetkazilishi hamda mohiyati va ahamiyatining aholi o'rtasida tushuntirilishi yuzasidan
YO'L XARITASI

| t/r | Tadbir nomi | Bajarish muddati | Mas'ul bajaruvchilar |
|-----|---|--|---|
| 1. | O'zbekiston Respublikasi Prezidentining "Davlat oliy ta'lim muassasalariga o'qishga qabul qilish jarayonlarini tashkil etish to'g'risida" 2022-yil 15-iyundagi PQ-279-sон qarori hamda "2022/2023 o'quv yili uchun davlat oliy ta'lim muassasalariga o'qishga qabul qilishning davlat buyurtmasi parametrlari to'g'risida" F-60-son Farmoyishini tizimdag'i barcha idoratlarga elektron shaklda yuborish. | Normativ-huquqiy hujjat kelib tushgan kuni | Ijro intizomini ta'minlash va murojaatlar bilan ishslash boshqarmasi |
| 2. | O'zbekiston Respublikasi Prezidentining "Davlat oliy ta'lim muassasalariga o'qishga qabul qilish jarayonlarini tashkil etish to'g'risida" 2022-yil 15-iyundagi PQ-279-sон qarori hamda "2022/2023 o'quv yili uchun davlat oliy ta'lim muassasalariga o'qishga qabul qilishning davlat buyurtmasi parametrlari to'g'risida" F-60-son Farmoyishini o'z rasmiy veb-saytlariga joylashtirish. | Bir kun ichida | Oliy ta'lim muassasalarini va filiallar, Axborot-kommunikatsiya texnologiyalari boshqarmasi |
| 3. | Oliy va o'rta maxsus ta'lim vazirining hududiy idoralarida malakali mutaxassislar, olimlar, ekspertlarni jalg etган holda normativ-huquqiy hujjat va axborot-tahliliy materiallarning o'qib o'rganilishini tashkil etish. | Hafta davomida, jadval asosida | Oliy va o'rta maxsus ta'lim vazirligi, oliy ta'lim muassasalarini va filiallar |

| | | | |
|----|---|-------------------------|---|
| 4. | O‘zbekiston Respublikasi Prezidentining “Davlat oliv ta’lim muassasalarini va filiallar, Axborot-kommunikatsiya texnologiyalari boshqarmasi | Ikki hafta muddatda | Oliy ta’lim muassasalarini va filiallar, Axborot-kommunikatsiya texnologiyalari boshqarmasi |
| 5. | O‘zbekiston Respublikasi Prezidentining “Davlat oliv ta’lim muassasalarini va filiallar, Axborot-kommunikatsiya texnologiyalari boshqarmasi | Bir hafta muddatda | Oliy ta’lim muassasalarini va filiallar, Axborot-kommunikatsiya texnologiyalari boshqarmasi |
| 6. | Targ‘ibot tadbirlarida aholi tomonidan qonun hujjatlari takomillashtirish bo‘yicha bildirilgan takliflarni (mayjud bo‘lsa) o‘rganish, umumillashtirish va tegishliliqi bo‘yicha kiritish (zarur hollarda, belgilangan tartibda ijtimoiy so‘rovlar o‘tkazish). | Belgilangan muddatlarda | Ma’naviy-ahloqiy tarbiya boshqarmasi, Ma’naviyat va ma’rifat markazi, Bosh yuriskonsult |



O'ZBEKISTON RESPUBLIKASI PREZIDENTINING FARMOYISHI

2022 yil « 15 » июнь

№ Ф-60

2022/2023 ўқув йили учун давлат олий таълим муассасаларига ўқишга қабул қилишнинг давлат буюртмаси параметрлари түғрисида

Ёшларни олий таълим билан янада кенгроқ қамраб олиш, олий таълим ташкилотлари ўртасида соғлом рақобатни кучайтириш мақсадида, шунингдек, Ўзбекистон Республикаси Президентининг 2022 йил 15 июндаги “Давлат олий таълим муассасаларига ўқишга қабул қилиш жараёнларини ташкил этиш түғрисида”ги ПҚ-279-сон қарорига мувофиқ;

1. 2022/2023 ўқув йили учун давлат олий таълим муассасаларига ўқишга қабул қилишнинг давлат буюртмаси параметрлари:

- а) бакалаврлар тайёрлаш бўйича:
 - кундузги таълим шаклига – 77 477 нафар этиб 1-иловага мувофиқ;
 - сиртқи таълим шаклига – 26 095 нафар этиб 1а-иловага мувофиқ;
 - кечки таълим шаклига – 3 725 нафар этиб 1б-иловага мувофиқ;
 - масофавий таълим шаклига – 3 410 нафар этиб 1в-иловага мувофиқ;
- б) магистрлар тайёрлаш бўйича – 10 688 нафар этиб 2-иловага мувофиқ тасдиқлансин.

2. Молиявий мустақиллик берилган давлат олий таълим муассасаларининг кузатув кенгашларига ҳамда қабул параметрларини Васийлик кенгаши қарори билан тасдиқлаш ваколати берилган олий таълим ташкилотларига тегишли қабул параметрларини **2022 йил 20 июнга** қадар тасдиқлаш тавсия этилсин.

3. Давлат олий таълим муассасаларига ўқишига қабул қилиш жараёнларини мувофиқлаштириш бўйича давлат комиссияси беш кун муддатда 2022/2023 ўқув йили учун:

соғлиқни сақлаш, халқ таълими, ветеринария, тиббий-ижтимоий хизматлар соҳаларида олий маълумотли кадрларга эҳтиёж юқори бўлган ҳудудлар учун давлат буюртмаси параметрларининг давлат гранти асосидаги қабул кўрсаткичлари доирасида манфаатдор вазирлик ва идораларнинг буюртмалари мувофиқ мақсадли қабул параметрларининг туман (шаҳар)лар кесимидағи тақсимотини;

Олий ва ўрта маҳсус таълим вазирлиги, тизимида олий таълим муассасаси бўлган вазирлик ва идораларнинг таклифлари асосида давлат буюртмаси параметрларининг **таълим тиллари бўйича тақсимотини тасдиқласин ва эълон қилсин.**

4. Олий ва ўрта маҳсус таълим вазирлиги бир ой муддатда:

Ўзбекистон техник жиҳатдан тартибга солиш агентлиги, Иқтисодий тараққиёт ва камбағалликни қисқартириш вазирлиги, Бандлик ва меҳнат муносабатлари вазирлиги билан биргаликда 2022/2023 ўқув йилида янги киритилаётган бакалавриат таълим йўналишлари ҳамда магистратура мутахассисликлари бўйича Олий таълим йўналишлари ва мутахассисликлари классификаторига белгиланган тартибда ўзгартириш ва қўшимчалар киритсин;

давлат олий таълим муассасаларида янги киритилаётган бакалавриат таълим йўналишлари ва магистратура мутахассисликларининг малака талаблари, ўқув режалари ҳамда фан дастурларининг ишлаб чиқилишини ва белгиланган тартибда тасдиқланишини таъминласин.

5. Мазкур фармойишнинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президентининг маслаҳатчиси А.А. Абдуваҳитов зиммасига юклансин.

Ўзбекистон Республикаси
Президенти



Ш.Мирзиёев



O'ZBEKISTON RESPUBLIKASI PREZIDENTINING QARORI

2022 yil « 15 » июнь

№ ПК-279

Давлат олий таълим мұассасаларига ўқишига қабул қилиш жараёнларини ташкил этиш түрлесида

Ўзбекистон Республикаси Президентининг 2022 йил 28 январдаги ПФ-60-сон Фармони билан тасдиқланган 2022–2026 йилларга мўлжалланган Янги Ўзбекистоннинг тараққиёт стратегиясини “Инсон қадрини улуғлаш ва фаол маҳалла йили”да амалга оширишга оид давлат дастурида белгиланган вазифаларни амалга ошириш мақсадида:

1. Шундай тартиб жорий этилсинки, үнга кўра:

а) **2022/2023 ўқув йилидан бошлаб:**

давлат олий таълим мұассасаларида уларнинг имкониятларидан келиб чиқсан ҳолда бакалавриат таълим йўналишлари бўйича **масоғавий таълим шакли жорий этилади**;

ўрта маҳсус ва профессионал таълим мұассасаларига ўқишига қабул қилишнинг давлат буюртмаси параметрлари тасарруфида ушбу таълим мұассасалари бўлган вазирлик ва идораларнинг таклифи асосида Молия вазирлиги билан келишилган ҳолда **Олий ва ўрта маҳсус таълим вазирлиги томонидан тасдиқланади**;

давлат олий таълим мұассасалари магистратурасига қабул абитуриентнинг бакалавриат диплом бали ўртача кўрсаткичи ҳамда хорижий тилни билиш даражаси бўйича тегишли миллий ёки халқаро сертификат бали асосида, баллар кетма-кетлигига қатъий риоя қилган ҳолда амалга оширилади ҳамда қўшимча имтиҳон ўтказилмайди;

б) давлат олий таълим мұассасалари магистратурасига қабул бир йилда икки марта – август ва январь ойларида ташкил этилади. Бунда:

август ойидаги қабул – навбатдаги ўқув йили учун тасдиқланган давлат гранти ва тўлов-контракт асосидаги ҳамда молиявий мустақиллик берилган олий таълим мұассасаларининг кузатув кенгашлари томонидан тасдиқланган тўлов-контракт асосидаги қабул параметрларига мувофиқ;

январь ойидаги қабул – дастлабки қабул натижаларига кўра тўлмаган ўринлар ҳамда Давлат комиссияси томонидан тасдиқланган қўшимча тўлов-контракт асосидаги қабул параметрларига мувофиқ амалга оширилади;

в) давлат олий таълим муассасалари магистратурасига қўшимча қабул параметрлари асосида ўқишга қабул қилинган абитуриентларнинг тўлов-контракт суммаси бир талабага тўғри келадиган реал харажатлардан келиб чиқиб, олий таълим муассасаси томонидан мустақил белгиланади;

г) табақалаштирилган тўлов-контракт миқдори Давлат комиссияси томонидан белгиланган суммадан кам бўлмаган миқдорда олий таълим муассасалари томонидан мустақил белгиланади;

д) қонунчилик ҳужжатларига мувофиқ олий таълим муассасаларига имтиҳонларсиз давлат гранти асосида ўқишга кириш бўйича имтиёзга эга бўлган шахслар умумий қабул параметрларидан ташқари қўшимча давлат гранти асосида ўқишга қабул қилинади;

е) давлат олий таълим муассасаларига бўйсунуви бўйича вазирлик ва идоралар билан келишилган ҳолда чет эл фуқаросини тўлов-контракт асосида ўқитиш қийматини тегишли таълим йўналиши ва мутахассислик учун Ўзбекистон Республикаси фуқароларига нисбатан белгиланган базавий тўлов-контракт миқдоридан кам бўлмаган миқдорда белгилаш ҳуқуқи берилади. Бунда, чет эл фуқароси олий таълим муассасаси томонидан ўтказиладиган сұхбат натижасига кўра ўқишга қабул қилинади;

ж) 2023/2024 ўқув йилидан бошлаб:

давлат олий таълим муассасаларига ўқишга қабул қилишнинг давлат буюртмаси параметрлари фақат давлат гранти бўйича тасдиқланади;

давлат олий таълим муассасаларига (молиявий мустақиллик берилган олий таълим муассасалари бундан мустасно) **тўлов-контракт асосидаги қабул параметрлари бўйсунуви бўйича тегишли вазирлик** (идора) томонидан Иқтисодий тараққиёт ва камбағалликни қисқартириш вазирлиги, Олий ва ўрта маҳсус таълим вазирлиги билан келишилган ҳолда тасдиқланади ҳамда ҳар йили 20 июнга қадар Олий ва ўрта маҳсус таълим вазирлигининг расмий веб-сайтида эълон қилинади;

олий таълим муассасалари бакалавриат таълим йўналишларига мос келувчи **имтиҳон фанлари мажмуси** Олий ва ўрта маҳсус таълим вазирлиги томонидан тасдиқланади ҳамда имтиҳон синовлари бошланишидан камида 6 ой олдин эълон қилинади.

2. 2022/2023 ўқув йилидан бошлаб республикада фаолият юритаётган хорижий олий таълим ташкилотлари ва уларнинг филиаллари ҳамда нодавлат олий таълим ташкилотларида (кейинги ўринларда – республикада фаолият юритаётган хорижий ва нодавлат олий таълим ташкилотлари) давлат гранти асосида кадрлар тайёрлаш бўйича 1 000 та ўрин ажратиб борилсин.

Белгилаб қўйилсинки:

Олий ва ўрта махсус таълим вазирлиги давлат гранти асосида республикада фаолият юритаётган хорижий ва нодавлат олий таълим ташкилотларида кадрлар тайёрлаш бўйича давлат буюртмачиси ҳисобланади;

ҳар йили 1 июлга қадар мазкур давлат грантининг олий таълим ташкилотлари ва бакалавриат таълим йўналишлари бўйича тақсимоти Давлат комиссияси томонидан Олий ва ўрта махсус таълим вазирлиги, Таълим сифатини назорат қилиш давлат инспекциясининг таклифлари асосида тасдиқланади ҳамда Олий ва ўрта махсус таълим вазирлигининг расмий веб-сайтида эълон қилинади;

республикада фаолият юритаётган хорижий ва нодавлат олий таълим ташкилотларига кириш имтиҳонлари якунлангач **бир ой муддатда** баллар кетма-кетлигига риоя қилган ҳолда, энг юқори балл тўплаган ва давлат грантини олиш истагини билдирган талаба, тегишли олий таълим ташкилоти ҳамда Олий ва ўрта махсус таълим вазирлиги ўртасида уч томонлама шартнома тузилади. Бунда, талабанинг ишлаб бериш мажбурияти давомийлиги таълим йўналиши хусусиятини ҳисобга олган ҳолда давлат буюртмачиси томонидан белгиланади.

3. Хотин-қизларнинг олий таълим билан қамровини ошириш орқали давлат ва жамиятдаги фаоллигини кучайтириш, гендер тенгликни таъминлаш бўйича амалга оширилаётган ислоҳотларни янада жадаллаштириш мақсадида шундай тизим жорий этилсинки, унга кўра:

а) Оила ва хотин-қизлар давлат қўмитасининг тавсияномасини олган, олий маълумотга эга бўлмаган хотин-қизлар учун 2022/2023 ўқув йилидан бошлаб бакалавриатнинг кундузги таълим шакли бўйича умумий белгиланган давлат гранти асосидаги қабул параметрларига қўшимча **2 000 та давлат гранти** ажратилади. Бунда:

тавсияномага эга бўлган хотин-қизлар учун давлат гранти асосида ажратиладиган қабул параметрларининг камида **50 фоизи аниқ ва табиий фанлар, техника ва тиббиёт йўналишлари** орасида тақсимланади;

ҳар йили 20 июлга қадар тавсияномага эга бўлган хотин-қизлар учун давлат гранти ўринларининг олий таълим муассасалари ва бакалавриат таълим йўналишлари бўйича тақсимоти Давлат комиссияси томонидан Оила ва хотин-қизлар давлат қўмитаси, Олий ва ўрта маҳсус таълим вазирлигининг таклифлари асосида тасдиқланади ҳамда Олий ва ўрта маҳсус таълим вазирлигининг расмий веб-сайтида эълон қилинади;

б) давлат бюджети маблағлари ҳисобидан қўйидагилар қопланади:

2021/2022 ўқув йилида давлат олий таълим муассасалари магистратурасига талабаликка қабул қилиниб, тўлов-контракт асосида таҳсил олаётган хотин-қизларнинг 2022/2023 ўқув йили учун **тўлов-контракт миқдори;**

2022/2023 ўқув йилидан бошлаб давлат олий таълим муассасалари магистратурасига ажратилган қабул параметрлари доирасида базавий **тўлов-контракт асосида талабаликка қабул қилинган хотин-қизларнинг тўлов-контракт миқдори.**

Вазирлар Маҳкамаси икки ой муддатда Оила ва хотин-қизлар давлат қўмитасининг тавсияномаси асосида хотин-қизларни бакалавриатга қабул қилиш ҳамда давлат олий таълим муассасаларининг магистратура босқичига тўлов-контракт асосида қабул қилинган хотин-қизларнинг тўлов-контракт суммасини Давлат бюджети маблағлари ҳисобидан қоплаб бериш тартибларини тасдиқласин.

4. Давлат олий таълим муассасаларига ўқишга қабул қилиш жараёнларини мувофиқлаштириш бўйича давлат комиссияси (матн бўйича – Давлат комиссияси) ташкил этилсин ва унинг таркиби 1-иловага мувофиқ тасдиқлансин.

Давлат комиссиясига қўйидаги ваколатлар берилсин:

зарурат бўлганда, олий таълим муассасаларининг моддий-техника базаси, профессор-ўқитувчилари таркиби ва ўқув-методик таъминотидан келиб чиқиб, янги бакалавриат таълим йўналишлари ва магистратура мутахassisliklарини киритиш ҳамда ташкил этиладиган янги давлат олий таълим муассасалари қабул параметрларини белгилаш учун давлат буюртмаси параметрларига ўзгартириш ва қўшимчалар киритиш;

давлат олий таълим муассасаларининг бакалавриат ва магистратурасига тегишли тармоқлар ва ҳудудлар бўйича мақсадли қабул параметрларини белгилаш, шунингдек, давлат буюртмаси параметрларининг таълим тиллари бўйича тақсимотини тасдиқлаш;

Олий ва ўрта маҳсус таълим вазирлиги ҳамда тизимида олий таълим муассасалари бўлган вазирлик ва идораларнинг таклифлари асосида олий таълим муассасаларининг (молиявий мустақиллик берилган олий таълим муассасалари бундан мустасно) бакалавриат таълим йўналишлари бўйича базавий тўлов-контракт қийматидан келиб чиқиб, табақалаштирилган тўлов-контракт минимал миқдорининг ягона кўрсаткичларини белгилаш.

5. Олий маълумотли кадрларни тайёрлашга оид давлат буюртмасини шакллантириш бўйича қўйидаги тартиб жорий этилсин:

Иқтисодий тараққиёт ва камбағалликни қисқартириш вазирлиги, Бандлик ва меҳнат муносабатлари вазирлиги доимий асосда республика ҳудудлари доирасида давлат органлари, иқтисодиётнинг реал тармоқлари ва соҳаларида таълим йўналишлари, мутахассисликлар ва аниқ касблар бўйича олий маълумотли кадрларга бўлган талабни ўрганади ҳамда кейинги тўрт йилга мўлжалланган прогнозни шакллантириб боради;

ҳар йили 1 апрелга қадар Иқтисодий тараққиёт ва камбағалликни қисқартириш вазирлиги манфаатдор вазирлик ва идоралар билан биргаликда ҳар бир давлат олий таълим муассасаси бўйича таълим йўналишлари ва мутахассисликлар кесимида давлат гранти асосидаги давлат буюртмаси параметрлари лойиҳасини шакллантиради ҳамда кўриб чиқиш учун Давлат комиссиясига тақдим этади;

ҳар йили 1 майга қадар Давлат комиссияси давлат олий таълим муассасаларининг бакалавриат ва магистратурасига қабул қилиш бўйича давлат гранти асосидаги давлат буюртмаси параметрларини шакллантиради ҳамда тасдиқлаш учун Ўзбекистон Республикаси Президентига киритади.

6. Давлат олий таълим муассасаларига қабул жараёнида абитуриентларни онлайн рўйхатдан ўtkазиш Ягона интерактив давлат хизматлари портали ва Давлат тест марказининг расмий веб-сайти орқали ҳар йили **20 июндан 20 июля қадар** (20 июль куни ҳам), чет тили фанидан касбий (ижодий) имтиҳон ўтказиладиган бакалавриат таълим йўналишлари бўйича эса **10 июля қадар** (10 июль куни ҳам) амалга оширилади.

Бунда, абитуриентларга:

тест синови топшириладиган фанлар мажмуаси ва кетма-кетлиги бир хил бўлган бештагача бакалавриат таълим йўналишларини ҳамда бир вақтнинг ўзида **барча таълим шаклларини танлаш ҳуқуқи берилади**;

рўйхатдан ўтиш жараёнида танланган бакалавриат таълим йўналишлари устуворлигига қараб дастлаб давлат гранти, кейинчалик тўлов-контракт асосида танловда иштирок этиш имконияти берилади.

7. Талабалар ўқишини давлат олий таълим муассасалариға кўчириш бўйича қўйидаги тартиб жорий этилсин:

а) хорижий мамлакатларда фаолият юритаётган (жумладан, халқаро тан олинган рейтингларда биринчи 1 000 та ўриндан бирини эгаллаган) олий таълим ташкилотларидан давлат олий таълим муассасаларининг мос ва турдош таълим йўналишлариға кўчиришда:

талабадан алоҳида иқтидор талаб этиладиган таълим йўналишлари бўйича касбий (ижодий) имтиҳонлар, бошқа таълим йўналишлари бўйича тест синовлари ўтказилади. Бунда, касбий (ижодий) имтиҳонлар тегишли олий таълим муассасаси томонидан, тест синовлари Давлат тест маркази томонидан ўтказилади;

тест синовлари ва касбий (ижодий) имтиҳонлар бўйича ўтиш баллари ҳар йили 15 июлга қадар Олий ва ўрта маҳсус таълим вазирлиги ҳамда тизимида олий таълим муассасалари бўлган вазирлик ва идоралар томонидан белгиланади ҳамда Давлат тест марказининг расмий веб-сайтида эълон қилинади;

ўтиш балидан паст балл тўплаган талабалар бакалавриатга қабул қилишдаги тартибга мувофиқ табақалаштирилган тўлов-контракт асосида ўқишга қабул қилинади;

тест синовлари ва касбий (ижодий) имтиҳонлар натижалари Давлат тест маркази ҳамда тегишли олий таълим муассасасининг расмий веб-сайтларида эълон қилинади;

б) хорижий мамлакатларда фаолият юритаётган олий таълим ташкилотларидан давлат олий таълим муассасаларининг мос ва турдош бўлмаган таълим йўналишлариға кўчиришга рухсат этилмайди;

в) давлат олий таълим муассасасининг биридан бошқасига талабалар ўқишини кўчиришга фақатгина қўйидаги ҳолатларда рухсат берилади:

талаба оила қуриши муносабати билан турмуш ўртоғи доимий яшайдиган ҳудуддаги олий таълим муассасасига ўқишини кўчириш учун мурожаат қилганда;

давлат органларининг ходимлари иш жойи ўзгарган тақдирда унинг турмуш ўртоғи ёки вояга етмаган фарзанди ўқишини кўчириш учун мурожаат қилганда, тегишли вазирлик (идора) раҳбарининг тавсияси асосида;

г) талабалар ўқишини республикада фаолият юритаётган хорижий ва нодавлат олий таълим ташкилотларидан:

давлат олий таълим муассасаларининг мос ва турдош таълим йўналишларига кўчириш мазкур банднинг “а” кичик бандида назарда тутилган тартибда;

давлат олий таълим муассасаларининг мос ва турдош бўлмаган таълим йўналишларига кўчириш ўрнатилган тартибда, тегишли бакалавриат таълим йўналиши учун белгиланган табақалаштирилган тўлов-контрактнинг минимал миқдорига teng бўлган бир марталик тўлов асосида амалга оширилади;

д) спорт мусобақалари ғолиби сифатида имтиёз билан олий таълим муассасаларига давлат гранти асосида ўқишга қабул қилинган ҳамда кундузги таълим шаклида таҳсил олаётган талабаларнинг ўқишини уларнинг аризаларига мувофиқ, сиртқи таълим шаклидаги мос ва турдош таълим йўналишига (сиртқи таълим шакли мавжуд бўлган тақдирда) давлат гранти асосида кўчиришга руҳсат берилади.

8. Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари давлат олий таълим муассасаларига кириш тест синовларини хавфсизлик талабларига тўлиқ амал қилган ҳолда юқори савияда ташкил этишга шахсан масъул этиб белгилансин.

9. Белгилансинки:

давлат олий таълим муассасаларига давлат буюртмаси параметрлари доирасида грант асосида бакалавриат ва магистратурага ўқишга қабул қилинган шахсларни ўқитиш харажатлари Давлат бюджети маблағлари ҳисобидан молиялаштирилади;

республикада фаолият юритаётган хорижий ва нодавлат олий таълим ташкилотларида кадрлар тайёрлаш учун ажратиладиган давлат гранти Олий ва ўрта маҳсус таълим вазирлигининг буюртмасига кўра 2022 йилда Молия вазирлиги томонидан қўшимча равишда молиялаштирилади, 2023 йилдан бошлаб Давлат бюджети параметрларида назарда тутилади.

10. Ўзбекистон Республикаси Президентининг ва Ўзбекистон Республикаси Ҳукуматининг айrim қарорларига 2-иловага мувофиқ ўзгартириш ва қўшимчалар киритилсин.

11. Ўзбекистон Республикаси Президентининг баъзи қарорлари 3-иловага мувофиқ ўз кучини йўқотган деб ҳисоблансин.

12. Мазкур қарорнинг ижросини самарали ташкил қилишга масъул ва шахсий жавобгар этиб олий ва ўрта маҳсус таълим вазири А.Х. Тошқулов ҳамда Давлат тест маркази директори М.М. Каримов белгилансин.

Ушбу қарор ижросини назорат қилиш Ўзбекистон Республикасининг Бosh вазири А.Н. Арипов ва Ўзбекистон Республикаси Президентининг маслаҳатчиси А.А. Абдувахитов зиммасига юклансин.

Ўзбекистон Республикаси
Президенти



Ш.Мирзиёев

Тошкент шаҳри

